

SCRIPTA

Numéro Scripta : 2293

Auteur(s) : Guillaume de Beaumont [chevalier]

Bénéficiaire(s) : Jumièges, Saint-Pierre (abbaye)

Genre d'acte : charte

Authenticité : non suspect

Datation : 1248, juin

Action juridique : confirmation

Langue du texte : latin

Analyse

Lettres de Guillaume de Beaumont, par lesquelles il confirme les chartes de Robert de Vaux et de Nicolas de Hautot.

Tableau de la tradition

Éditions principales

a. Delisle Léopold, Passy Louis, *Mémoires et notes de M. Auguste Le Prévost pour servir à l'histoire du département de l'Eure*, Évreux, Hérissey, 1862-1869, 3 vol., t. 2, p. 297.

b. Chevreux Paul, Vernier Jules-Joseph, *Les archives de Normandie et de la Seine-Inférieure*, état général des fonds, recueil de fac-similés d'écritures du XIe au XVIIIe siècle accompagnés de transcriptions, Rouen, Lecerf, 1911, planche XLVIc, colonne II.

Texte établi d'après b

Ego Guillelmus de Bello Monte, miles, et Johanna, uxor mea, notum facimus universis presentes litteras inspecturis quod nos, visis et auditis cartis Roberti de Vaus, Heudeborc domine de Baudemont et Nicholai de Hotot, militis, factis abbati et monachis Gemmeticensibus super nemore de Ereine cum terra ejusdem nemoris, recognovimus et recognoscimus quod dicti religiosi habent in predictis nemore et terra omne jus et dominium, excepto jure domini Alexandri de Vallibus et placito ensis et tercia parte venditionis nemoris si venderetur ; et quod de predicto nemore possunt et poterunt capere ad usus suos et ad calefaciendos furnos suos, maxime ad bannum, et ad coquendum calcem et tegulas, et licebit dictis monachis de calce vendere usque ad quinque modios et de tegulis usque ad quinque milia quociensque fecerint calcem aut tegulas ad usus suos, nec inde tercium aliquod persolvetur nec aliquid peti poterit ab ipsis. Et si contencio oriretur contra ipsos quod plusquam .Vque. milia de tegulis et .Vque. modios de calce vel aliquid de nemore vendidissent occulte, credetur super hoc sacramento prioris vel principalis custodis manerii de Joi. Et nos et heredes nostri tenemur et tenebimur dictis religiosis garantizare omnia predicta contra omnes et in omnibus ; et si non garantizaremur, tenebimur excanbiare in hereditate nostra valore ad valorem. Pro hac autem garantizatione dederunt nobis dicti monachi de bonis domus sue centum .XXti. libras Parisiensium ; si autem nos vel heredes nostri predictis religiosis non garantizaremur predicta vel excambiareremur, prout superius est expressum, predictam pecuniam eis restituere teneremur. In cujus rei testimonium et munimen sigilla nostra presentibus litteris fecimus apponi. Actum anno Domini .M°.CC°.XL°.VIII°. , mense junio.